

懋

書


卷
七

懋

懋書目錄

卷七

壬午十二月起至癸未五月止



擬勅諭襄城伯李國禎

擬遣科道各官察覈各鎮勅

請補宣大總督疏

恭擬 皇第五子壻誌

回奏 御批問各 王祿折色揭帖

恭擬欽命督輔諭

恭擬首輔周延儒視師 勅

恭擬賞左鎮擒叛 諭

擬 赦書揭帖

擬招撫河南土寨詔

題暫用院印揭帖

恭擬漕河勅諭

回奏天壽山調援揭

恭擬欽賞總兵左良玉諭

回奏優卹揭

進御覽備邊冊揭

恭擬賑濟難民諭

擬濟援兵草料及發火砲揭

合詞引罪公疏

恭擬欽賞吳三桂等諭

回奏贖理部屬勅稿揭

處置曹操部將投降及救援各土寨揭

擬豫撫勅諭

回奏楚鎮揭

恭紀裁定督撫鎮聖諭

愬書

晉江蔣德璟著

擬勅諭襄城伯李國禎

壬午十二月

皇帝勅諭左都督帶俸襄城伯李國禎 神京居重馭輕
根本首宜鞏固矧虜氛未靖扞衛倍嚴茲特允爾請于京
營外選練衛所世祿官舍六千員名立為兩營精選將領
等官分合訓演一切束伍號令節制賞罰俱當預行曉諭
使知用命至練膽練藝尤為緊要如火器弓弩刀鎗牌棍
鈎鏃等項皆有成法宜即立教師分哨比試務精務熟期

于有勇知方一可當百各將領有缺會同兵部于勲裔中
選用營伍有缺立行選補錢糧器械行戶工二部照額發
給諸官舍為世臣苗裔原與別募烏合不同忠義既所夙
盟功賞自當特異如有因循藐玩不遵約束及影射侵冒
等弊聽爾處治輕則徑行細革重則叅奏俱昭軍法從事
爾以勲臣慷慨請纓破格簡委宜深維對揚王休之義仰
佐中興共武之圖內足以擁衛京師外足以殲逐小醜斯
為爾功倘或舉措乖方戰守鮮效徒滋浮蠹亦惟爾之咎
爾其懋勉之欽哉故諭

崇禎十五年十二月初一日

李國禎短小犀利有口才數上書言兵又自請于兵營
外選練衛所官舍 上甚喜即令擬勅行之及議俸糧
增給不貲歲費二十餘萬金又請內庫兵仗火藥甚多
而乞 上御書營額因取 勅內共武二字以請 上
為親書共武堂以賜之未幾總督京營恭順侯吳惟英
罷 特詔以國禎代之官舍皆併入京營云

擬遣科道各官察覈各鎮勅

壬午十二月二十日

順天府丞郝綱

山東兵科陳泰來

天津御史吳履中

密昌御史蔣拱宸

保涿御史魏瑄

薊鎮御史楊鶚

茲者狡虜鳩張飽掠思遁已嚴飭該督撫炤各信地要隘設伏出奇層層截擊誠恐布置未備怯玩相蒙特命爾即日馳往軍前稽覈督催爾宜親身察飭鼓勵督撫鎮將申明紀律扼要制勝于凡奴所必經我可設伏處所預行偵探嚴勒勁兵責令將領密地分布截殺但有奇功立加陞賞奪獲輜重財物悉給賞有功之人救回難民招回陷將皆以功論軍中一切情形不時密切馳奏督撫等官有頑

懦欺蔽失悞事機及殺良飾報等項即行指叅不許徇縱
爾以風力面受委任務須公忠勤慎與督撫同心協謀破
虜建功事平報命功罪一體爾其慎之勉之欽哉故勅

請補宣大總督疏 癸未二月

吏部會推宣大總督久不欽點輔臣疏請云 宣大關係
甚重近以秦寇迫邊防河倍互嚴緊尤與平時不同
必得瞻識兼全真可任將帥才者而未易言也衛景瑗氣
局恢闊朱之馮沉毅有謀忠孝自天似皆堪用已蒙面諭
久任金之俊氣格不凡謹守有餘方孔昭久在職方邊情
熟練而以當折衝巨任臣等實未敢遽定也賀世壽幹濟
素優精力尚茂足堪南儲之任畢懋康才品久著年力頗
衰至袁繼成在江督時為左帥所信服又舊任淮楚得士

民心而家在江西以之聯絡三省就近再任似為相應云

恭擬 皇第五子壻誌

癸未二月

王諱慈煥為我 皇上第五子崇禎丙子年九月二十七
日誕自恭淋端慧靜懷 皇貴妃田氏薨于庚辰年七月

初五日酉時 王生而骨相秀穎神氣粹清容止可親言

動不凡 上鍾愛之乃天嗇其年溘先朝露彌留之際靈
異有徵爰軫 聖懷寵祭加渥是年八月十三日追封為
王謚曰悼靈辛巳年正月二十四日加封為孺孝通玄顯
應悼靈王示哀惜之意為以癸未年二月二十日塋于金
山不老林之原喪儀規制一如成人之禮嗚呼 王賢孝

夙成清明虛映互膺譽命用脩屏藩然而脩短無恒造物
多恠不能不戚也敬述梗概勒石玄宮懿範流光殊恩
飾壤昌懋罔極此為永貞

崇禎十六年二月

五年終五歲即擬封為真君者發引前一夜閣中公揭
題 知出西直門外崇寧菴恭送有公祭

回奏

御批問各 王祿折色揭帖

崇禎癸未二月
十二日

題今日蒙

發下匣封戶部一本為敬奉事

御批各藩

折色是否皆同此覆是否無弊輔臣看詳出旨來看欽此
臣等叩頭恭頌仰見 皇上誼篤天潢 念周宗祿 敦

睦德意克弊同符而于部胥積弊尤無不洞如觀火臣等
不勝悚服謹即遵 諭擬上恭聽 聖裁外謹考 聖祖

分封之初 親王歲祿五萬石已旋裁為萬石而其中差
等不一甚有縮至千石者後復有米鈔兼支之議宣德中
定每石折鈔十五貫僅得二分耳可謂甚輕乃折亦不同

或五千石或三千石或二千石一千石或三千五百石載
在會典臣等亦未能悉其故也說者謂賦稅所在互有
盈縮抑亦恩禮之厚獨有加優成例久頒恐部中不敢增
減惟各處奏請開支而題覆間有遲速至封婚請名
等項費用頗多此則經手胥役之弊非嚴加三尺未易頓
清耳以後著令隨到隨覆過月卽行完處庶幾無弊至限
祿之議頒行亦久聞各處尚有參差而給祿宜有定期郡
祿宜免再奏及崇禎八年新例將軍中尉並以本三折七
為額今惟益府昭舊似亦當酌定畫一以便遵守臣等
愚昧附陳未知有當與否伏候

聖明裁奪謹題

崇禎十六年二月十二日

恭擬欽命督輔諭

諭內閣輔臣朕以寇虜交訌所夕靡寧近報楚寇披猖益逞亮毒朕心不勝痛憤義當大討親征次輔姓忠畧壯猶沈雄歷練具能仰體朕意靖亂安民茲特命以原官兼兵部尚書督師平寇總率調度各督撫協力奏功特賜尚方劍一口以重事權加賜斗牛服一襲銀一百兩大紅紵絲四表裏監馬五十匹用示眷禮外再給賞功銀五萬兩銀牌大小一千面銀花一千枝銀盃大小五百箇各色蟒衣一百疋各色斗牛飛魚胷背一百疋各色雲紵二百疋各

色絹五百疋各色布五百疋以充軍前犒賞之用一應兵
餉用人併勅印旗牌勘合等項卿等傳與各衙門速行計
議給發特諭

崇禎十六年三月十三日

恭擬首輔周延儒視師 勅

皇帝勅諭少傅兼太子太傅吏部尚書建極殿大學士周
延儒頃者逆虜匪茹闖入內地東西奔竄旦夕狡颺各督
撫鎮道等官統兵截扼雖捷音屢報而大創尚稽或以信
地之分防或以事權之難一號令各出敵勢未聯此時不
合力殲除異日且益滋狂逞卿忠敵奮發義氣沉雄自請
視師不避危險朕甚嘉之特命卿以原官督飭關寧薊密
昌宣通津保涿等處軍務一切督撫鎮將主客兵馬并京
營兵將等官關係援勅事宜悉聽節制調度如有違過觀

望抗違遲緩失誤軍機立行叅拿重者徑以軍法從事不得寬縱有功的立行陞賞仍着兵科給事中方士亮兵部職方司郎中尹民興隨行監紀功罪不時馳報其各督撫鎮官塘報哨援俱着飛遞科司二官以憑調遣察奏不得緩誤取罪惟鄉股肱元輔績茂勞渥朕方倚賴勳勳不忍暫離左右勉從哀請代朕親行指日功成即星馳入閣佐理以慰朕側席佇望至意因鄉登時就道即着將文淵閣印攜帶應用行有懋賞用酬厥勳鄉往欽哉故諭

崇禎十六年四月初四日酉時

恭擬賞左鎮擒叛 諭

癸未四月初十日

諭平賊援剿總兵官左良玉昨見諸臣奏疏叛將王允成搶掠江干肆行擾害已經該鎮擒拿正法具見紀律嚴明義奮可嘉特賞銀八十兩紵絲四表裏以彰朝廷獎勵至意仍發銀五千兩紅絹二百疋紅布二百疋特差內員同兵部差官星解軍前聽酌量賞給用示鼓舞該鎮仍嚴禁掠速統精銳力扼上流早建蕩寇奇功以膺懋賞欽哉故諭

崇禎十六年四月初十日親批發

是日奉 御札與先生每商議昨見奏疏王允成叛掠
已被鎮臣良玉正法似應頒諭獎賞策勵平賊禁掠先
生每以為何如欽此旋即擬諭恭進時左兵在楚頗以
焚掠聞 聖意欲借此風勵之已而楚人言允成尚在
然自此亦少戢

擬

赦書揭帖

癸未四月

題昨蒙

皇上面諭臣等撰擬河南土寨

赦詔令之悔

過投誠擒斬偽官賊寇自効有功即與叙錄又令開墾荒
田結砦立堡人自為守家自為戰此真收拾人心掃蕩逆
孽之最要著也臣等察得九年五月內曾有赦書頒示陝
豫亂民去歲李青山蠢動山左亦曾降有詔諭惟河南土
寨李際過等雖有旨屢申勸誠而赦書則未有也臣等謹
遵 面諭事理恭擬詔書一道寬其既往予以自新不但
傳飭中州推之江北湖廣凡有土寇地方責成各督撫按

一體榜諭開布恩信曲示招徠革叛進良之實無踰于此者伏惟

聖明裁奪施行謹題

崇禎十六年四月十四日

擬招撫河南土寨詔

癸未四月十四日

皇帝詔曰朕奉天子民日以除暴安民為急近日闖賊煽亂肆逞凶殘致我窮黎久罹水火每一念至傷憤良深已有旨盡免河南五府田租三年惟慮化離之餘散援遙隔朝廷德意未及周知又聞割授土寨人等結眾抗賊保守地方屢報投招均能用命或原係矜弁或已署名銜義勇如雲尚未盡悉雖間有迹似弄兵原非得已而實則義存報國不乏同心為此特頒詔書遣官前去宣諭赦罪錄功務要大伸討賊之忠共矢同仇之氣但能擒斬偽官者

卽與授官能收捕賊徒者卽與給賞能破賊城俘獻者卽行起擢斷不逾時其餘部衆或編入鄉勇一體團操或分墾荒田量給牛種或便亙安插或護送家鄉不許所在官司徯胥兵役生端辜擾違者卽行拿究治罪該撫按仍大張榜示多方獎勸不時奏聞其江北湖廣諸處悉照此例通行昨據河南巡按官又稱鄧州守備許承業等驅逐偽官尤宜先叙着兵部卽與實授以昭朕鼓勵圖功至意爾等皆我赤子具有同仇尚早奮于功名庶共游于樂利布告遐邇咸使聞知

題暫用院印揭帖

四月十六日

題昭得臣等封進一切章奏原用文淵閣印前首臣周延儒視師行急奏將原印攜帶行間此後封筒暫用翰林院印已面奉俞旨今察得存閣印已用完合應改用院印封送臣等未敢擅便謹具題知奉御批朕知道了

恭擬漕河勅諭 癸未四月

諭戶部工部漕運關係軍需萬難遲悞已差科臣星往督催目今糧艘見抵何處是否盡數過淮該部嚴檄總巡漕及在事各官躬歷河干晝夜催趲一面先押頭幫前進毋違五月限期其差去部臣築塞河口曾否鳩工有緒水運有無疏通也著速行察催上緊築濬務期安流如故不悞輓輸仍着將已完未完工程詳開來奏故諭

崇禎十六年四月十六日發訖

回奏天壽山調援揭 癸未四月十八日

題適奉 御批今日午時據天壽山守備申之秀差官劉國喜口報奴賊見攻蟒山甚急此係東山口重地已有旨傳兵部飛調救援恐有稽延再行催督即刻立行大賞大罰必信不貸先生每即刻傳與故諭欽此即刻傳兵部調援聽其自行回奏外謹題

蟒山逼近天壽關係陵寢然虜游騎從清河湯山去未嘗至蟒山也昌平鎮兵四萬十無一二總兵張魏及本道惟以承順守備為事幸虜偶未到耳可嘆

恭擬欽賞總兵左良玉諭 癸未四月

諭平賊總兵官左良玉昨以該鎮斬叛賊師已遣官頒賚近據陝西總督孫傳廷復奏該鎮前在武昌堵賊邀船絕其飛渡具見奮勇茲再賞銀六十兩紵絲四表裏其部下有勞將卒再發御前銀三千兩特差內員同兵部差官星解軍前聽酌量賞給用示旌勸着益勵志圖功早殲逆渠朝廷自有大賞特諭

回奏優卹摺

癸未四月十九日

題適蒙發下匣封內二件恭奉御批各家人馬廐有將領收拾一面察傷亡的即與優卹此係目前第一要務先生每擬旨來行欽此臣等切見奴犯以來諸將多方規避鮮有交鋒上陣者今京營王承胤大同姜瓖及陽和諸將感激聖恩奮勇馳援遇奴血戰據報我兵傷亡不少諸將李居正等尚有未知下落者然而奴之士馬所損亦已多矣皇上痛惜干城立行察明優卹真得古帝王恤死扶傷之盛心與振頑起懦之神用誠目前第一要務也謹即

擬諭上進伏候裁定至其餘督鎮各兵有無協勦曾否救
援若孤軍受挫而觀望者得全尤為近時通弊尚當嚴行
察明俟事平通加覈議者也謹具揭同原揭恭進原奉
御批遵藏閣中謹題

進御覽脩邊冊揭

癸未四月十九日

大學士臣蔣德璟謹題前恭承召對蒙 皇上疇咨各邊
兵餉浚以卑瀆虛冒為慮臣等仰體宵旰俯計安攘愧未
能稍展一籌奉揚廟筭私心竇揣 負乘是懼數月以來
將各邊餉冊細加釐剔計 祖制九邊及前後增設東西
二協昌通津登保五處共十六鎮一切新舊練三餉兵馬
及屯鹽民運京運漕糧馬價各項原額見額稍為編纂而
諸形勢要害夷狄部落及今昔疏議有可采者亦附見焉
合為總冊分為各鎮名曰 御覽脩邊冊用脩 聖明乙

夜之觀惟是三餉繁雜磨算互異讐較繕寫造次難清坐致稽遲罪實莫追除見在寫對外謹先以總冊進呈餘即隨後次第續進至于額餉本折今昔懸殊約其大端凡有四竊臣亦不敢不言者計臣與邊臣算法不同一也邊臣冊報計臣與其報樞臣又不同二也三餉司彼此並發前後那移司官各不相關胥役故為朦溷三也部有解發或不到邊一有節曠每不報部內外變幻窟穴淵深四也臣所憑者以會典及萬曆會計錄為綱以歷年戶部餉冊崇禎十四十五三餉新冊各邊管糧餉司報冊及兵部新經覆裁各疏為目旁及督撫之條奏科道之指叅各鎮之紀載而已誠恐心眼迂鈍才識荒迷舛錯漏遺勢不能免我皇上坐昭萬里天鏡高懸自無能逃睿鑒之末伏惟聖明俯賜原察臣不勝悚仄屏營之至謹題

恭擬賑濟難民諭

癸未四月二十二日

諭戶部兵部都察院校虜東遊各難民多拔營來歸流離
可憫已有旨着行問各官詳細察發回籍外其近畿及山
東沿邊一帶地方着各該撫按連行各府州縣官不拘何
項錢糧多方賑濟或設廠煮粥或給與銀錢糧米預先措
備隨到隨給務使各沾實惠無令失所內難婦無告充屬
可矜倍互優卹察有親戚鄉里責令領送回籍不許官兵
人等私行佔留及強暴掠賣等弊察出定行拿究其遠近
傷亡枯骨暴露可念通行埋掩卽責令五城兵馬并各州

縣官親身料理仍將用過錢糧及賑卹名數收掩屍軀據實開報以憑叙錄如有藐玩不遵虛文抵塞聽胥役侵剋作弊者立行指叅等因不貸特諭

接濟援兵草料及發火砲摺

癸未四月二十五日

題適奉御批聞各鎮援兵見少粮草此關係軍機不小當作何即日接濟先生每速傳該部勿但作紙上本折如悞責有所歸欽此臣等叩頭恭誦仰見 皇上慮周邊計念切軍需晏息不遑機籌獨悉臣等謹即馳傳戶部訖惟是援兵粮料急須本色昨部臣傳淑訓以米豆造次難前議分派折色馳解與本色相兼接應自當星馳飛赴不敢有悞聽其自行回奏外又樞臣張國維頃面商謂逆奴尚在牛欄山一帶惟夜劫一着可行而從來用砲頗小又多在

十數里外不能及遠。奴嘗忽之。互密用大砲出其不意。致乞察發十餘位。密速逃去。事不宜遲。謹因回奏而并及之。伏候 聖裁。原奉御批。遵藏閣中。謹題。

合詞引罪公疏

癸未四月二十五日

奏為承天失守已真。陵藩警報相繼。謹合詞請罪懇求罷斥。事昨見湖南巡按御史劉熙祚疏。始知承天果已失守。以至荆襄蕪德蹂躪無餘。予劔震驚。藩封播越。真三百年未有之變也。臣等叨陪政地。佐理無聞。既未能仗劔登壇。手梟亮惡。又不能運籌聚米。動中機宜。自顧迂愚。徒有慙悚。聞每于召對趨侍之頃。以及 御批裁決之餘。仰見睿斷英謨。真可同符祖武。而公庶小醜。奔突自如。戰守無功。兵民俱困。豈天心真未厭亂。致 聖主每厪責躬。實皆臣

子積習相蒙因循貽誤之罪而臣等瘵官溺職負恩深重尤

百喙無以自寬者也首臣見在殲奴臣姓方當勦寇臣演

等覲顏相對擢髮難窮謹合詞席藁在直待罪伏乞 皇

上将臣等立賜罷斥仍即召還首臣以重政本另簡賢能

以光弼贊庶安攘得人而臣等亦稍遭覆鍊之咎矣臣等

無任惶悚戰栗待命之至崇禎十六年四月二十五日上

二十六日奉

御批楚承天失守陵寢震驚實朕積罪叢愆所致不勝痛

省地方官負朕倚任深可憤恨逆寇今且盤踞重地尚稽

誅夷正籍卿等抒猷匡救速圖恢復剝拯民水火靈臚除亮

不必合詞引咎首輔宜蚤回閣佐理慰朕佇望至意該部

知道

恭擬欽賞吳三桂等諭

諭督師范志完昨據奏報總兵吳三桂等親斬酋首具見
鼓勵用命將士應行立賞除三桂另賞外其餘有功總副
等官李輔明劉肇基馬科等再發 御前銀六百兩紵絲
二十表裏着差去內員一併解交軍前分等賞給用昭朝
廷賞不逾時至意特諭

回奏贊理部屬勅稿摺

癸未四月二十九日

謹題臣等恭承面諭軍前贊理兵部主事葉士彥勅稿一
事臣等欽遵到閣看詳原稿委屬未妥蓋官名贊理計與
監軍不同祇將原稿改削恭呈 御覽伏候裁定施行

勅兵部署郎中事主事葉士彥茲以流寇蔓延久稽蕩掃
特命輔臣專征命爾隨行軍前贊理爾宜遵照原題一應
密切軍機悉聽輔臣指授商酌而行其鼓勵官兵稽察功
罪催覆軍需及一切接勅募練安插招撫屯墾事宜雖有
監軍職掌爾亦當參陪未議如有違迕觀望縱兵誹擾殺

良冒功等弊及侵尅本折錢糧卽行稟報輔臣以憑叅處
其有司相臨體親與戶部司官同爾受茲委任務須慎慎
勤恪勉竭忠猷制勝凱旋從優叙賞如因循怯玩致有債
事罪不爾貸爾其慎之故勅

處置曹操部將投降及救援各土寨揭五月初三日
頃見秦督孫傳庭馳報曹操部將揚承祖投降一疏內稱
其敢戰多謀為操驍將操既被闖殺害其部下哨目精兵
與闖自相携貳真天歌亡闖一機惟加銜都司出自該督
給劄似當卽下兵部徑以實銜與之庶益知感奮用命其
餘部混天狼及劉副將等皆可乘機招致自此賊勢益孤
便易為力又河南總兵陳永福圍困逆超已兩月餘鳳陽
總督及丁啓光等各兵弁宿蕭土兵齊集未知糧料本折
能盡行接應與否事久變生亦不可不慮且聞附近土寨

多被各賊攻擊有號額求援者亦當急為救援招來無致其折入賊手謹擬諭稿一道恭呈 聖裁

諭兵部河南總兵陳永福圍困逆超已久又有鳳督及總監各兵俱到計擒逆當在旦夕一切行月鹽菜本折着該撫按就便轉輸供應不許稽遲玩悞仍一面將前頒去諭旨設法曉示城中止殲逆超兄弟二渠魁其餘脇從盡行赦免如能生縛來獻者重加陞賞其附近土寨有被別賊攻擊的作速應援來投的作速招收一應補伍屯田及安插發回事務聽便妥處置不許坐視致悞地方該部卽行

嚴飭特諭

擬豫撫教諭

癸未五月初四日

諭戶兵二部永城逆將煽亂官兵圍困已久近鳳督及禁
旅各兵徵調俱到擒殲旦夕可期一應本色糧料河南既
難供應自當取給河北各府著該撫按就便轉輸多方接
濟毋致遲誤取罪該撫按仍即召募鄉勇整率標兵馳往
策應一面招收土寨推誠安撫務期化暴安良一應墾荒
興屯事宜從長經畫上緊料理不得虛應故事其新補有
司未經到任的著同巡按官星催受事并違參來重處特
諭

回奏楚鎮揭

癸未五月初六日

看得湖廣總兵周過吉以官舍授官未滿十年而至大將
且加官銜其義勇之概頗為一時推許據部疏稱與同官
臣姓商議見今關賊在楚欲勦關賊必先用楚鎮此正同
官所倚仗為左右手者且自晉移楚原屬平調而楚難于
晉似不妨試諸難錯以見其能至劉肇基在關寧日久夙
著戰功用之勦寇亦似能勝厥任倘 皇上慎重其選或
召詢同官及兵部面賜裁決亦詢謀僉同之意也見今楚
撫已增為四而鎮臣惟有一人事權既重且有左鎮頡頏

非威望素著謀勇兼優者未易勝任謹據所見附陳如此
原本未敢輕擬伏乞裁奪 上即用劉肇基而留周遇吉
于晉

恭紀裁定督撫鎮聖諭

五月十七日

諭吏兵二部近日狡虜入犯邊腹多虞皆因官多兵少名
密實疎或人地非宜或權位相掣平時不加整練遇警徵
調紛紛以至主客不和兵將不習更置無定掉運不靈縱
寇損威靡能制勝今亟宜釐弊切實責成朕思蒞邊止須
總督一員選擇敏練幹才任之不妨破格遼撫一員黎玉
田鎮臣一員吳三桂專任關寧勦禦百務山永撫臣一員
李希沆照舊鎮臣一員盧天福是否堪任還着另推蒞密
不必分作二鎮俱着順撫三屯鎮管轄即着王繼謨唐通

彈力料理督師保督俱不必設呂大器趙維岳俱回京另
用保撫徐標新任可用鎮臣另推通州止設鎮可省兵燹
舊以副將統領聽昌平管轄如後有警昌平通兵不可輕調
其鞏華拱極張灣河西務良涿等處均屬要害須派明何
將守信設防先時有備不致臨事張皇以上俱係切要布
置該部即速詳議具本來行或有未盡事宜及文武才力
人地去留等項尚有可商的不妨熟籌再奏特諭

癸未五月初奴始盡出至十六日 上御皇極門大班
糾劾畢即退御皇極門內寶座稍移近門召閣臣及吏
戶兵三部掌印兵科都給事中過跪 上出手勅親定
各督撫鎮功罪皆出御筆甚精上浚言吳三桂黎玉田
可用而以督撫增設太多因裁關薊督師保定總督西
協巡撫通州督 蓋赫然整頓一新咸復祖宗之舊然
總兵贅濫數百員副叅數千員守把如蟻皆未及汰大
約樞部以此為要結納賄地而諸游棍出沒狃官烹餉
茫不可指雖屢經票擬駁催亦置之高閣矣此邊事敗
壞一大病痛恨從前楊嗣昌陳新甲輩真是誤國

懿書目錄

卷八

回奏裁省各邊冗將揭帖

恭擬罪已詔書

回奏捕練勅書揭

恭擬黔督諭

回奏請免府州縣失事各佐貳首領提解揭帖

獻劉超俘擬告 郊 廟文

記俘獻逆帥劉超事

再進守邊賞夷冊揭帖

回奏五府差押及流軍異同揭帖

回奏保督兵餉及裁冗將揭帖

擬薊密巡撫勅

回奏議處各官揭

回奏徽祁焚殺官兵乞行撫按詳察揭帖

雷震 奉先殿獸吻揭帖

擬告 太廟遣將文

看詳雷䟽公揭

請發舉人會試各䟽

丁祭 文廟 欽遣正獻恭記

奉 旨恭擬察明舉主及關按二御史諭

三進 御覽備邊冊揭帖

回奏發帑與薊督及乞留南征遼兵揭

擬給發操江餉銀火噐諭

再揭

回奏裁省各邊冗將揭帖 五月二十四日

題項蒙發下兵部欵奉 聖諭一本臣等已即祇遵恭擬

上進惟再四思之尚有可商者薊鎮原一督一撫一鎮事
權甚重今既分設三協各自開鎮又增團練總兵及一切
副叅遊守名色比萬曆末多數十倍廉餉不貲將領日增
兵馬日少武功不競固其宜也 聖明洞徹情弊時以中
西并歸一鎮深得制勝機宜第聞各邊口虛弱至極一時
整頓未易而近日外議又有逆虜換班再入之說雖未有
的據然邊防急宜脩舉恐王繼謨清謹之品未能勝任也

唐通開頗能節制亦未知果能似戚繼光威畧與否又倭
倭之衝原為遼海設若西協似可不用亦不必入衛也竊
念三鎮并設以一督提衛自可得力其團練鎮及副叅遊
守等項贅員一切撤去在各鎮事權既一旦練餉節省亦
甚多此則今日對症喫緊之著萬不宜緩似宜併令兵部
詳加察汰者也邊疆大事臣等既有所見不敢不言統乞
聖明裁鑒

恭擬罪己詔書

五月二十六日

朕祇膺天命嗣守鴻業十六載于茲宵旰圖迴惟弗克肩
荷是懼乃自逆虜匪茹闌入內地畿南山左一帶極目丘
墟驅勒雖已遠奔荼毒實為可憫至流賊原我赤子亦復
矯命衝行連陷藩封震驚 陵寢豫楚江北半被克殘揆
厥象端咎皆繇朕重以天災洊告蝗旱頻仍奸吏貪官專
工掇克橫征暴賦彌益凋疲以致禍結兵連邊腹交困老
羸轉于溝壑丁壯耗于干戈萬姓何辜遭此異慘拊躬內
省憂悼倍深是用痛自悔懲深圖滌滌嘉與海內共勉維

新特下罪己之書恪求憂民之實念新練二餉久廢蠲除時屬用兵勢非得已暫將省直殘破州縣地方自今十六年為始一切三餉錢糧蠲免三年其未經殘破而村落灰燼孑遺可憐者該撫按確察分別差等具奏以憑酌量蠲緩既蠲之後大張榜示不許有司朦濶重徵違者指名叅來拏問其餘各地方官通要勸課農桑招來流徙革禁羨耗寬恤征徭務使窮民均沾惠育爾内外文武大小諸臣都着洗心易慮協力分憂各矢精白之忱共挽多艱之運庶幾寡昧賴道愆尤於戲朕躬有罪無以萬方敢忘隕越之懼天下歸仁在乎一日亟沛解懸之恩惟本固則邦寧亦內安而外戢尚冀皇穹之昭格用偕率土于平康布告臣民咸宜知悉

崇禎十六年五月二十六日上奉

御批覽先生每擬詔良是但向來每頒蠲緩恩詔雖諭榜示而官胥蠹弊叢淵私徵重派蚩：子遺豈能通知盡曉以朝廷寬恤德意徒飽婪酷囊橐况此詔內尚無府衛州縣的實地方名尤易滋弊慮將真正荒殘處所一一詳列詔後仍如何刊印頒布必使軍民皆知如敢仍前私徵橫

歛等弊應如何處治不饒庶幾災窮吾民實沾恩惠不肖
官吏稍加儆惕予以恤災安民懲貪剪蠹亦似非過先生
每再加商酌擬撰來行

回奏捕練勅書揭

五月二十七日

題適文書官于潤世到閣恭奉 上傳昨所擬捕練王之

後勅稿但向來所重在捕今必練得其法而捕在其中是
首重在練還着另擬來行欽此竊惟捕營之設意雖在捕
然非練則捕亦虛名故從來影冒之弊該營最多仰蒙
聖明洞悉情形銳意整頓首重在練極為得之然必盡破
積習以漸練成精銳庶異日方可收居重馭輕之用除原
勅另擬外先此具揭回奏謹題

恭擬點督諭

諭兵部點督李若星已有旨責令提兵入楚勦寇着飛檄嚴催勒限前來不得稽遲誤事其鎮筸武靖等處土司各兵聽該督酌量徵調不必拘定數目仍督率副將楊明措尹先民統領殺賊恢復承荆各郡有功加等優叙其應給糧餉悉聽就近徑自支用事平奏銷即日飭行特諭

回奏請免府州縣失事各佐貳首領提解揭帖

題適蒙發下兵部恭報虜情一本係臣看詳 御批改票

并發前 聖諭部院摺子仰見 皇上綜覈功罪申嚴賞

罰真勵世磨鈍機權也但察律例有主將不固守之條而府州縣印捕官有衛所同城者罪坐衛所惟無衛所者方此主將律處斬至佐貳首領則各有守城信地以賊所從入坐罪益衛所之責重而府州縣稍輕即府縣印捕之責重而佐貳首領則又輕矣恭誦 聖諭內亦止言道府有司不及佐貳首領今馬班才等州同主簿卑官未知應通

行拿解否惟守備沈通明都司張克祥罪與律合亦未知
果係信地否也掣解與提問總是一罪第今日虜寇猖獗
失城甚多株連不少除主將及印捕外其餘小官似止令
撫按提問為便而于律例及 聖諭亦無不合未知有當
與否伏候裁奪施行崇禎十六年五月三十日酉時上即
奉 御批朕知道了前票擬議為當已批行訖

謹按大明律例府州縣與衛所官同在一城及衛所自
往一城者不行固守則衛所印捕官坐斬府縣印捕官
充軍其無衛所者則府縣印捕官坐斬而佐貳首領止
以賊所從入論罪耳此定例也向前未察律例彙行拿
解至京連年奴寇之變城池失陷幾二三百若以佐貳
首領計之不止千餘人長途囚繫及解官苦累皆不堪
言且就使拿之至京亦無死罪也州同馬班才等璟擬
撫按提問 御批改票且以前年 聖諭掣解近例發
下指示愚昧 聖意甚厚願不敢妄有將順因據律具
揭即蒙 批允具仰 聖明轉圜之美云此後佐貳首
領官失事繫免解京

獻劉超俘擬告 郊 廟文

維崇禎十六年歲次癸未六月初一日癸亥 嗣天子臣
御名謹遣某官祇奏于 皇天上帝曰逆并造叛戕殺官
民拒命據城謀為不軌神人共憤法在必誅用張捷伐之
師爰奏蕩平之捷俘渠就戮中外騰歡此皆 皇穹眷祐
之所致也臣欣荷寵綏遣官祇奏仰祈 歆鑒永賜救寧
謹奏 太廟大畧同

記俘獻逆帥劉超事 癸未六月

舊制朔望係停刑日崇禎癸未夏永城逆帥劉超俘獻至
京欽天監原擬六月初二日 上以超等拷問垂斃特改
于初一日辰時 祭告午時獻俘先一日內侍官設 御
座于 午門樓前楹正中是日早 遣成國公朱純臣定
國公徐允禎告 南郊駙馬萬燁告 太廟教坊司陳設
大樂于 御路南東西西北向文武百官各具朝服刑部堂
上官及獻俘官吉服于 御道外東西侍立 上尚服御
皇極門鐘聲止鴻臚鄉跪奏請 上乘輿樂作內璫戎裝

擁衛前後排列五鳳樓東西兩黃蓋扈御簷登午門樓正中黃幄陞座而東宮及定王永王紅袍隨駕出侍立左右樂止鳴鞭鴻臚卿招呼報捷獻俘官過鳴贊、跪鴻臚卿過中跪宣奏為獻俘事該鳳陽提督軍務馬士英原任督師丁啓睿援剿太監盧九德河南總兵陳永福等奏稱永城逆帥劉超兄弟敢干國紀擅殺官紳抗天誅叛戩巡撫招連群盜謀亂中原罪惡通天神人共憤仰仗我皇上赫然一怒文武宣勞俘斬無遺威靈遐暢謹將逆渠劉超劉越二名委副將丁啓宗丁啓光丁奎光陳德等囚解到京恭獻闕下自此河南諸處漸可安堵 聖明南顧抒憂臣等不勝欣忭慶幸之至謹具奏聞宣奏畢復原班獻俘官叩四頭起身退原位錦衣衛堂上官招呼拿俘來將尉齊轍答應將尉引俘至獻俘位北向立定鳴贊、跪于將尉之前劉超大聲呼冤 上不問刑部官詣樓前中道跪奏刑部署部事左侍郎臣張忻等謹奏為俘獻逆帥以彰天討事該鳳陽提督馬士英等掣獲俘犯劉超劉越到部問擬俱合依謀反大逆但共謀者不分首從律皆凌遲處死奏請以所獻俘囚付所司行刑請旨 上曰掣去刑

部堂上官承旨訖錦衣衛堂上官招呼等去衆將尉齊荅
唐刑部堂上官即同將尉押出施行鴻臚官跪致詞公侯
駙馬伯文武百官左柱國太傅成國公朱純臣等恭惟
皇上聖武光昭皇靈丕振用張捷伐叛逆蕩平禮當稱賀
文武官五拜三叩頭退樂止鴻臚寺奏禮畢鳴鞭駕輿
先是久旱至五月二十七日後大雨是日獻俘時亦微雨
旋即光霽可為洗兵之徵崇禎十六年六月朔記

劉超永城人中河南武解元跛而知書為貴州總兵坐
罪免壬午上疏言兵計下部中樞陳新甲用為河南總

兵以私怨殺御史魏景琦一家三十餘人懼罪招納土
賊據城謀叛巡撫王公漢自率兵掩之為所殺遂反執

永城鄉紳侍郎丁公魁楚都御史練公國事等數十人
迫令上疏保之遣人齎入京是時奴方入寇京師戒嚴
乘城守及齎疏人至不得入而坐門科臣劉君昌豫人
也傳君振鐸舊永城令也為言于主者縱之入昌復竄
改其疏上大怒下其人詔獄拷問而詰責兩科臣然
實非奸細也魁楚等為超所拘超求其代理勢不得不
聽且因其代理之疏稍示操縱以計圖之似亦不礙環

等因從中婉解而用魁楚之侄原任督師丁公啓睿使
相機行事啓睿者前以勦寇坐罪革職議大辟上初
欲誅之璟謂永城方叛幸啓睿叔侄在彼宜且令將功
贖罪且魁楚雖在城內而啓睿在城外擁兵亦不敢動
也未幾鳳督馬公士英等兵至圍之超寤因出降遂擒
以獻而魁楚等皆得出因釋啓睿罪用為河南勸農使

再進守邊賞夷冊揭帖

癸未六月初三日

題前臣纂御覽備邊冊內有守邊賞夷一冊欲俟各冊完
日一並進呈今日適召對撫夷署總兵張致雍正為守邊
賞夷事情察得東西哈原在大同邊外之西數千里其地
產馬歲至黃甫川殺胡口互市與卜酋雖有往來未知果
同心與否如欲厚其金帛令之與建奴為難則相去甚遠
恐未必為我用前致雍所條數款曾經督臣孫晉駁議具
在冊中并隆慶以後順義王厯年款貢始末亦頗具其梗
概謹先恭進御覽餘冊次第繕完臣不勝惶悚之至謹題

張致雍原係宣大廢弁以用哈攻奴上疏干進已經部
中駁議數次璟亦核其情形附于守邊賞夷之內在御
覽備邊冊中未及進呈是日 上密召之面議甚喜而
哈在極西奴在極東實不相及也卜在宣大雖與哈市
亦非能用哈者 上既不召閣臣亦無從面駁故止以
原冊進覽翌日召對中極殿顧臣璟曰昨冊東西夷落
較如列眉極好璟愧不敢當聊附記之

回奏五府差押及流軍異同揭帖 癸未六月初五日

題蒙發下匣封三本內兵部為衛官選派甚多事刑部為
監犯通詐事皆係五府差官解軍事情蒙 御批察酌律

例欽此謹察五府及兵部會典押解軍犯皆選差官舍不
專差官也近來止差衛官所以官苦其少未知起自何時
至官賣放則調衛差操舍人賣放則發邊衛充軍會典甚
明未嘗以官充軍也兵律條例有長解賣放者附近充軍
之文為解役言非為解官言也申時泰乃副千戶也縱軍
違限自有調衛之例而引解役例充軍則不惟非律亦非

例矣恭誦 御批察酌律例曲盡精微自是確當流與充
軍不同前年已經法司詳議尚未盡一恭誦 御批律文
徒流原未有軍罪有係增例以致官因差軍得罪軍因罪
名厥惡甚非恤官勵軍之意仰見 聖明體恤官軍德意
尤盛似當令法司將流軍二罪再加確核昭律定擬不得
復有游移庶律意昭然軍罪亦省謹即恭摺 御批下部
其五府差押似應昭舊魚差官舍仍俟該部覆議軍流事
宜奏明並該府所陳九難三易一并酌安伏候裁奪

回奏保督兵餉及裁冗將揭帖 六月二十日

大學士臣蔣德璟題適蒙發下兵部一本為欽奉聖諭事
係覆保撫徐標疏改票并發下五月二十三日該部疏抄
一摺仰見 聖明慎覈至意臣謹察保督新增練餉兵三
萬名已經分派各處前旨甚明今部疏所擬俟酌定營制
奏報者覆該撫選將團練之語耳然營制已定即可遴補
將官亦不須再俟矣第未有練餉以前該鎮未嘗無兵自
十二年始增練餉本折九十餘萬兩而更以無兵為患則
將多兵少虛冒可見昨 皇上毅然裁去保督中外汲服

聖斷而舊制將領該鎮止二十人近因練餉忽增至一百六十人臣謂急宜裁汰所省當亦不貲至保撫原額兵餉亦當即令覆明以為從新整頓之藉謹另擬一票進呈伏候裁奪恭繳原發一本一摺謹題

擬薊密巡撫勅 癸未六月二十日

皇帝勅諭都察院右僉都御史楊鶚畿輔要地鎮撫需才邊務孔殷責任綦重今特命爾整飭薊州密雲等處邊備兼巡撫順天地方中西二協選練將卒分布要害脩築城堡擷利器械安撫流移捕緝叛亡一應兵馬錢糧聽爾徵召支給督核稽察至于聽理詞訟清催民屯鹽糧及買料豆草束開墾田畝釐剔軍民將領官商侵冒剋剝奸弊分別拿問叅奏悉昭舊行事宜逐一脩舉仍要嚴設臺守領援邊烽隨處堵截如兵行過敵將官叅遊以下逗遛退縮

軍法從事口外屬夷撫順勒逆悉心慮置如機密軍情須
與總督鎮道從長計議而行務保萬全爾仍聽總督節制
勅內開載未盡軍機俱許爾隨宜計處爾授茲擢用宜益
殫忠敵綢繆固圉大破隳玩積習從新整頓邊防庶稱簡
任如或執拗乖誤責有攸歸爾其慎之故諭

薊密山永共三協原止一督一撫一總兵崇禎四年添
設山永巡撫九年添設密雲巡撫既設三撫又設三總
兵三團練總兵而以都督銜領副總及叅遊等官不啻
數百加餉至數十倍竟無實用邊政于是大壞矣璟每
召對皆以為言至是始併薊密為一以揚鶚魚之然未
幾復議設密撫云

回奏議處各官揭

題適文書官尹獻瑞到閣恭奉 上傳鄭三俊應議處張國維侯恂已經面諭拿問應革職郝炯張拱宸方士亮尹民興扶同欺飾併喬可用着革了職法司提問閣臣擬旨來行欽此又奉 上傳催左懋第作速起身欽此臣等不勝悚慄謹祇遵各擬諭旨一道恭進伏候 聖裁謹題

回奏徽祁焚殺官兵乞行撫按詳察揭帖

癸未六月二十一日

題昨見鳳督馬士英徽祁焚殺官兵一事臣等即面同商確以為有司紳民焚殺黥兵必非無故而設計誘之至八百多命盡付一炬自是冤慘可恨不獨調到黥兵尚剩有數千憤激不平即此後赴援之兵聞之亦且因此藉口悞事不少蒙發旨拏解誠足以振紀綱而平憤怒而臣等請仍行該撫按者亦以就中情形撫按知之最悉自必詳審入告不致激成他變也頃者詳極臣奏大意相同謹將確察情形之語再擬密傳使之一面拿解一面安插士民未

知當否伏候 聖裁臣等可勝悚切之至謹題

雷震

奉先殿獸吻揭帖

六月二十四日

題今日蒙召對中極殿奉

皇上面諭昨夜雷震

奉先

殿東獸吻後懷警戒業親行恭慰禮仍命臣等傳禮部議

上祭告脩省事且竊惟

皇上敬天奉祖仁孝隆茂夙夜

靡愆偶值意外之變乾之夕惕真古帝王克謹天戒小心

昭事之盛軌也臣等謹攷 聖祖吳元年雷震謹身殿嘉

靖十六年雷震謹身殿鳩吻十八年雷震奉先殿左吻雖

皆變出一時而 二祖敬謹之至內省身心外肅官聯甚

至捧雷斧于案前儼臨下之有赫以能仰成仁愛孚佑昊

亨化災為祥心法如在 皇上念之法祖祇若明威行見
聖敬之日躋益卜天休之滋至惟臣等佐理無狀積譽弘
多致此異災義當策免則所合詞席藁百叩而不敢自寬
者也事關脩省似應擬諭傳示禮部臣等謹擬稿恭進仰
懇 聖裁謹題是夜奉 御批覽卿奏朕知道了雷震示
做朕心悚惕靡寧敢不痛自省察以仰承天慈還倚卿等
共圖消弭挽回化災為祥不必合詞引咎諭旨已寫發訖
六月二十三日立秋是夜大雷雨 奉先殿東數吻劔
靶有損當為狂風所吹或迅雷經過處耳 上既引咎

閣中亦具揭待罪及所司察明脩造則劔靶小損而數
吻無恙相傳玉河橋鑿駕庫數吻有大蜘蛛是夜雷取
之亦未知的否 上于災異最為敬凜而數年間天災
地震頻仍見告實中外臣子奉職無狀所致未可盡咎
陽九也德璟識

擬告 太廟遣將文

崇禎十六年七月初三日甲午嗣皇帝臣御名敢昭告于
祖宗列聖帝后曰逆寇蔓延久逋誅剪比乃奔突豫楚躡
及 陵藩罪惡貫盈神人共憤爰命秦督孫傳庭為督師
特昇專征之寄恭行捷伐之師仰冀明威俯垂佑助殲渠
散黨成功奏奏于師中討罪救民為祐以對于天下非獨
眇躬之席庇實借率土以襲休謹酌昭遣將告廟舊制命
官行禮用申虔告伏惟 聖歆謹告

者詳雷疏公揭 七月十八日

題昨蒙發下僉事雷續祚一本內有言周延儒謝陞等而
政府恨臣之語臣等不勝駭異竊臣等與去輔延儒陞雖
同官然立身行己各有本末續祚指摘二臣于臣等何與
且年來叅二臣者不止一人何獨于續祚而恨之臣等自
入直以來矢志奉公兢 兢 殞越是懼即在己之德怨毀譽
久置度外而反以同官被糾之故代為銜恨亦情理所不
出也至續祚守德著勞臣等于召對曾稱其才有何疑忌
皇上離昭當空無隱不灼臣等亦無容浚辨矣緣者詳及

此不敢不一剖明宵旰方殷併不敢仰煩批答謹題

請發舉人會試各疏 癸未八月初四日

題適蒙發下禮部一本為會場屆期事內稱今科會試已到舉人僅二千餘人為數甚少察有舉人李汝為等五人久經疏請未蒙簡發年來虜寇交訐貧士奔馳往返艱苦萬狀多有策蹇徒步冒病前來其情甚可憫憐倘再遲時日即蒙聖恩亦已踰入場之期三載蹉跎尤為可惜臣等再察得數月來其具疏陳請及已經部覆者不止李汝為五人俱見在候 旨伏望聖恩概賜簡發庶益廣 皇上作人德意而于薪樵大典亦為有光矣謹題

是日即簡發李汝為等五人疏隨再發何九雲彭遵琦揚懋官等連日夜搜尋諸疏凡係部疏乞會試者悉下而初八日三鼓尚發山西舉人趙聯元等 聖明愛士求賢倦、留神如此乃知向之苛求皆非 聖意

丁祭 文廟 欽遣正獻恭記

崇禎癸未八月初六日丁卯秋祭 先師前期已命大學士魏藻德為正獻初三日復以藻德主會試考初四日改命德璟初五早五鼓命下朝服入候升殿制有旨傳免鴻臚官導璟至皇極門行五拜三叩頭禮國子監官遵儀注于左掖門棕蓬下一揖錦衣衛東西二司送旗尉八人是時閣中惟璟與東厓黃公二人本章到閣分票訖近午易吉服出會極門東華門東上門東中門分獻官簡討張君之奇劉君世芳吉服候于橋上同出外東華門用明簷至

安定門成賢街入集賢門國子監屬迎于持敬門外祭酒
孫君從度署太常寺館卿王君都迎于塔上張劉二簡討
隨至同入致齋所各揖畢本監屬官入揖太常寺屬官捧
黃帕案祝版到環舉筆僉名銜畢序坐監禮御史賀君登
選祠祭主事劉君大華監宰御史白君抱一揖畢予東向
坐祭酒西向陪分獻監禮監宰祠祭太常各分兩旁坐舊
例逆攢盒是日予免辨太常官請省牲先正獻次東廂次
分獻次監禮監宰次祠祭次太常同至牲所犧牲所黑牛
二牝羊六猪二十鹿一兔九省牲畢詣香案前上香禮畢
即宰牲回至致齋所項之繇太學東角門從東丹墀上詣
彝倫堂觀禮繇堂東門入赴堂西第二間俱東向立太常
官扮作正獻分獻三人行禮畢舊例會席于明堂近以堂
圯免辨遂從彝倫堂後一揖而別詣東廂齋房本監屬官
至齋房揖錦衣衛送飯二棹祭酒亦別具飯不用酒典簿
張君元勳予鄉親也來送燭燎遂入廟觀兩廡及正殿陳
設甚豐

初六日丁卯子時行禮樂凡七奏迎神四拜飲福二拜
送神四拜共十拜惟揖跪最多夜歸已四鼓矣黎明入

閣復命具揭奏聞

舊例分獻用翰林脩撰編簡為之未有用王府簡討者
張劉二君皆侍定王講讀雖掛銜簡討而從來不與之
事今秋初遣閣臣魏公庚辰進士也甫三年入閣諸編
簡皆前輩不使使分獻隨行故用張劉二君皆庚辰同
年也然亦變體凡五品以上及都給事中有祭皆陪祀
是夜僅大司徒倪公元瑤少司徒張公宸極及荆汪二
掌科亦太少 舊用牛一今二舊山羊五今北羊六舊
豕九今二十舊兔五今九惟鹿一如舊

奉旨恭擬察明舉主及關按二御史諭

八月初八日

諭吏部都察院兵部侍郎張鳳翔原以知兵舉用朕故特
赦其罪以期後効正宜感激圖報何乃近推督撫等官全
不議及顯有委卸隱情見今虜寇交警樞貳原儲備督撫
非藏拙脫罪之地如係不堪從前何因濫舉着即察明議
處并舉主何人也着察奏又巡關御史衛周胤順天巡按
御史韓文銓封疆失事應否免議昨閣部察司等官欺蔽
冒功飾罪二按何無糾察扶同徇隱着一并察處速奏特
諭

是時太宰鄭公三俊本兵張公國維奉旨禡問上方
震怒莫敢救者樞部署篆應屬左侍郎張公鳳翔上
亦疑為黨遂特傳右侍郎張公伯鯨署事而令輔臣擬
旨詰問部院閣中止據上傳擬發即奉御批駁下這
諭還着脩潤另擬來者鳳翔舉主何人亦宜察奏然舉
者甚多實非黨比也久之事漸解諸舉主亦不罪

三進御覽備邊冊揭帖

癸未八月初九日

題前恭進御覽備邊冊卷帙頗多一時遽難繕就茲再寫
完薊密山永三協一套薊寧三衛考一套昌平鎮一套又
將各邊十六鎮新舊兵馬屯鹽民運京運漕糧三餉本折
及兵馬價各項括其大綱以便稽察名曰御覽簡明一套
臣才疎識闇舛漏尚多然頗亦得其梗概大約舊制于各
邊兵餉措置周密原不全恃京運如屯鹽民運見經各邊
餉司冊報原自不乏乃概不提起而但以京運部欠為詞
此乃近日錮習萬曆中不爾也至一切軍馬在索餉之時

疆列甚多及責以戢守之具忽為俱少前後不相昭應內外互為串通奸胥且欲去其籍而况肯從實拈出乎臣歷年搜訪心記手抄更換數番猶覺無限踈掛以是次且久之昨見計臣歸併三餉疏分兵餉為左右司良係苦心調劑而其數亦尚仍十五年部發之舊款俟各督撫自行開報又恐遲未即到不得已先行呈進其餘各鎮刻期可完次第續上伏候 聖明詳覽裁行謹題

回奏發帑與薊督及乞留南征遠兵揭 初九日

題適蒙發下匣封內一件欽奉

御批前發帑銀二十萬與督臣王永吉作買馬置器接濟軍需等用不足的各該衙門速發仍令戶兵工三部補進先生每即擬旨來行欽此臣等叩頭恭誦不勝欣躍昨見王永吉諸疏力言餉缺兵譁號籲甚急臣等相顧感額急圖接濟而戶工諸部實已罄懸內帑復屢經頒發即款代為控陳逡巡未敢忽奉 天語再發至二十萬驚出望外仰見我 皇上慮周巖鎮惠渙宸居自此邊臣展布有資

三軍飽騰可望將有鼓舞用命不戰而氣自倍者謹即祇
遵擬諭呈進又察永吉疏內尚以懇留關外李輔明馬科
等南征各兵為請語甚切至臣等亦知明旨久頒勢難中
輟然邊防甚棘募練方殷昨李希沆黎玉田吳三桂等接
踵疏請咸汲以為慮非獨永吉一人也臣等既有所聞不
敢不言伏乞 聖明裁奪原奉 御批尊藏閣中謹題

崇禎十六年八月初九日奉

御批朕知道了內帑久匱因軍需重鎮所關暫借濟急該
部補進以待後用至於調兵一事昨聞有三千之兵已過
都城且關寧二鎮數萬之衆是否去此數千即係空虛該
部亦應察問若是缺額過多即宜星夜選補豈可以剿寇
禦虜大計兩處失誤

擬給發操江餉銀火器諭

諭兵工二部江防重務昨遣誠意伯劉孔昭星速赴任整飭一應脩船置器等費雖有額設錢糧慮一時措辦未敷特發御前銀三萬兩以資接濟用過數日着冊報覈銷仍俟外解到日南工部照數補還再着該局庫兩廠給發滅虜決勝炮共二百位弓五百張箭五百把火藥二萬斤鉛彈五千斤該部着官速行解運前去取實收奏緣特諭

以上

俱癸未八月

再揭八月初十日

題昨夜蒙發下匣封欵奉

御批諭及薊督王永吉留兵

一事已經臣等回奏訖今早公同商酌似應擬旨下部察問着該督自行奏明謹恭擬諭旨一道呈進伏候聖裁謹題

關外諸將李輔明馬科皆撫鎮黎玉田吳三桂部下騎兵也頗勁悍可用因保督呂公大器移為九江督請發京營兵南征不許部中擬以此兵四千與之然遠馬不願往南即奔馳數千里馬力亦竭而虜信甚急關外自

顧不暇亦不宜南發也然中有主者六月初三日召對
中極殿內環力言不能得而薊督及黎吳連疏懇留是
時陳魏二公入闈惟環與同邑黃公在直具揭再爭竟
不能得也未幾呂改為南兵部侍郎輔明等兵未至九
江一路劫掠而歸耗費本折不可勝計而馬亦瘦損無
可用者

